



## Møteprotokoll for Formannskapet

**Møtedato:** 26.11.2019  
**Møtestad:** Konferanserommet  
**Møtetid:** 09:00 - 14:00

<b>Frammøtte medlemmer</b>	<b>Parti</b>	<b>Rolle</b>	<b>Merknad</b>
Kjetil Eikefet	SA	Ordfører	
Ann-Jorunn Farestveit	SO	Varaordfører	
Liv Anne Aanesen	SA	Medlem	
Kristin Nåmdal	SA	Medlem	
Håvard Engeseth	SO	Medlem	

<b>Frå administrasjonen:</b>	<b>Funksjon:</b>	<b>Rolle</b>	<b>Merknad</b>
Jo Bjarte Tømmerbakke	Rådmann	Administrasjon	
Tone Selmer Skuggevik	Teknisk sjef	Administrasjon	
Magne Verpelstad	kommunekasserar	Administrasjon	

## Sakliste

<b>Saknr</b>	<b>Tittel</b>
022/2019	Godkjenning av innkalling og sakliste
023/2019	Godkjenning av møteprotokoll
024/2019	Orienteringssaker
025/2019	Økonomirapportering 2. tertial 2019
026/2019	Budsjett og økonomiplan 2020-2023

**Notat frå møtet:**

022/2019: Godkjenning av innkalling og sakliste

Behandling:

Samrøystes vedteke

Vedtak:

Innkalling og sakliste vert godkjent

---

023/2019: Godkjenning av møteprotokoll

Behandling:

Samrøystes vedteke

Vedtak:

Møteprotokoll vert godkjend slik den ligg føre

---

024/2019: Orienteringssaker

Behandling:

Ordførar orienterte kort om oppfølginga av den føreslegne nedlegginga av Voss klekkeri. Modalen kommune har signert opprop mot nedlegginga saman med Voss, Vaksdal og Osterøy kommunar.

Vedtak:

Sakene vert tekne til orientering

---

025/2019: Økonomirapportering 2. tertial 2019

Behandling:

Økonomisjef orienterte om saka og svara på spørsmål.

Samrøystes vedteke

Vedtak:

**Økonomirapporteringa pr 2. tertial 2019 vert teken til orientering.**

**Det vert vedteke slike justeringar i budsjettet:**

**Auka løyving til Pleie og omsorg finansiert med redusert løyving til Rådmannen/sentraladm**

	Budsjett	Endring	Justert budsj
	2019	2019	2019
Rådmannen/sentraladm	14 641 782	-1 000 000	13 641 782
Pleie og omsorg	15 929 566	1 000 000	16 929 566

**Omfordeling av løyving knytt til Ung jobb:**

	Fordeling
Teknisk	86 667
Rådmannen/sentraladm (Bryggjeslottet)	133 333
Pleie og omsorg (Modalstunet)	40 000
Barnehage	140 000
<b>Reduksjon i løyving til Teknisk</b>	<b>-400 000</b>

-----

026/2019: Budsjett og økonomiplan 2020-2023

**Behandling:**

Økonomisjef orienterte om rådmannen sitt framlegg til driftsbudsjett og svara på spørsmål.

Økonomisjef, rådmann og teknisk sjef orienterte om framlegget til investeringsbudsjett, og foreslo å flytte planlagt investering på VA og infrastruktur på Helland frå 2020 til 2021/2022. Dette gjev rom for å kunne prioritere andre investeringar i 2020. Formannskapet foreslo mellom anna å flytte oppgradering av ballbaner på Øvre Helland og Mo frå 2021 til 2020. Formannskapet bed administrasjonen om å justere investeringsbudsjettet i tråd med dei endringane som vart drøfta i møtet før det vert lagt ut til offentleg ettersyn og lagt fram for kommunestyret.

Administrasjonen foreslo å auke investeringsposten på VA plan frå 450 000 kr til 700 000 kr, etter råd frå DIVHA. Dette vert å kome tilbake til i kommunestyret 12. des for endeleg avgjerd. Det same gjeld saka om å gjere om deler av Otterstad frå kombinert formål til LNF område i kommuneplanen. Dette vil i så fall kreve ein områdeplanprosess, med estimert kostnad på 270 000 kr. Dersom ein utset dette til revidering av kommuneplanen vil ein ikkje ha ekstra kostnader med å gjere denne endringa.

Ordførar låg fram rådmannen sitt framlegg til vedtak, med formannskaet sine endringar i investeringsbudsjettet.

Samrøystes vedteke

Vedtak:

1. Modalen kommune sitt budsjett og økonomiplan 2020-2023 vert vedteke med Formannskapet sine endringar i investeringsbudsjettet.
  2. Eigedomsskatt 2020:
    - a. For eigedomsskatteåret 2020 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på Kraftverk, vindkraftverk, kraftnettet og anlegg omfatta av særskattereglane for petroleum».
    - b. Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd
    - c. Eigedomsskatten for 2020 forfell til betaling i 2 terminar: 31. mars og 30. september, jfr eigedomsskattelova § 25
    - d. Klagenemnda for eigedomsskatt har kompetanse til å handsama klager etter § 19 i eigedomsskattelova, jfr § 20 i eigedomsskattelova.
    - e. Modalen kommune gjennomførte ny alminneleg taksering I 2019. Dette omfattar I praksis kun kraftnettet, då eigedomsskattegrunnlaget for kraftverk er likningsverdiar.
  
  1. Låneopptak frå Husbanken til vidareformidling vert fastsett til kr 1 500 000 for 2020. Rådmannen har fullmakt til å gjennomføre låneopptaket.
  
  1. Låneopptak til finansieringa av investeringar 2020 vert fastsett til kr 25 500 000 for 2020. Rådmannen har fullmakt til å gjennomføre låneopptaket.
  
  1. Betalingsssatsar for 2020 vert vedteke i tråd med vedlegget: Modalen kommune – Betaling for kommunale tenester 2020
-